

## Саломдан олдинги дуо



13:00 / 29.11.2020 3181

هِيَ لَعْلَلِ لَصَلِّ لَوَسَّرَ نَاكَ: لَأَقُوعُهُ لَلِ لِيضَرَّ رِيَّهَ يَبْأَنَّ  
نَمَوْ رَانَ لَابَادَعُ نَمَوْ رُبَقَلَابَادَعُ نَمَكَ بَدُوعًا يِّنِ لِمُؤَلَّلِ لَوُعْدِي مَلَسُو  
يَؤُورِي فِدَارِ لَجَّ دَلِ احْسَنَمَلِ لَانْفَنَمَوْ يَتَمَمَلِ لَوَ اِيْحَمَلِ لَانْفَنَمَوْ  
أَمَرَ تَكَا أَم: لَأَقُوعُهُ لَلِ لَأَقَفِ يَمْرَعَمَلِ لَوَمَثَمَلِ لَانْفَنَمَوْ يِّنِ لِمُؤَلَّلِ ل  
فَلْخَافَ دَعْوَوَبَدَكَ فَتَدَحَمَرَعِ اِذْ لَجَّ رَلَانِ: لَأَقَفِ يَمْرَعَمَلِ لَانْفَنَمَوْ دِيْعَتَسَت  
ةَالْتَلِ لَوَأُورِ

*Абу Хурайра розияллоҳу анхудан ривоят қилинади:*

**«Расулуллоҳ соллаллоҳу алайҳи васаллам (намозда) дуо қилиб:**

**«Аллоҳим, албатта, мен Сендан қабр азобидан, дўзах азобидан, тириклик ва ўлим фитнасидан, Масих Дажжолнинг фитнасидан паноҳ тилайман», дер эдилар».**

*Бошқа бир ривоятда:*

**«Аллоҳим, албатта, мен Сендан гуноҳдан ва қарздан паноҳ тилайман» (дер эдилар). Бас, бир одам у зотга:**

**«Қарздан бунча ҳам кўп паноҳ сўрайсиз?!» деди.**

**«Агар киши қарз олса, гапирса, ёлғон гапиреди, ваъда берса, хилоф қилади», дедилар».**

*Учовлари ривоят қилганлар.*

**Шарҳ:** Ушбу дуони Пайғамбаримиз соллаллоҳу алайҳи васаллам намозда ўқиганлари бошқа бир ривоятда ҳам таъкидланган экан.

*Ушбу ҳадисдан олинадиган фойдалар:*

1. Намозда ушбу дуони қилиш.
2. Қабр азобининг ҳаққлиги ва ундан паноҳ сўраб, Аллоҳга ёлвориб туриш кераклиги.
3. Дўзах азобидан ҳам паноҳ тилаб, дуо қилиб туриш лозимлиги.
4. Тириклик ва ўлим фитнасидан паноҳ сўраб, Аллоҳга ёлвориб туриш.  
Тириклик фитнаси кўпроқ молу дунёда, бола-чақада, ўлим фитнаси эса жон таслим қилишда ва қабрда бўлади.
5. Масих Дажжолнинг фитнасидан паноҳ тилаб туриш. Бу масаланинг баёни бундан кейин келади.
6. Аллоҳ таолога гуноҳ қилишдан сақлашини сўраб, дуо қилиш.
7. Қарздор бўлиб қолишдан паноҳ сўраб, дуо қилиш.

**«Ҳадис ва ҳаёт» китобидан**